

**SÁMISOSTER RO SEARVVI SÁGADOALLI RISTENRAUNA MAGGA
SÁHKAVUORRU SEARVVI JA OULU BISMAGOTTI
DUOPMOKAPIHTTALA OKTASAŠBARGOSOHPAMUŠA
VUOLLÁIČÁLLINDILÁLAŠVUOĐAS ANÁRA SÁMEGIRKKUS 6.2.2015**

Árvvusadnon Bisma, buorit olbmot. Buori álbmotbeaivvi buohkaide.

Vuolláičáliimet aiddo historjjálaš ovttasbargosoahpamuša. Hálidange giitit Bisma Samuel Salmi luohttámušas min searvvi guovdu sihke roahkkatvuođas ja ovdagáttuhisvuođas, mainna darvánit searvvi fáldahkii dahkat ovttasbarggus virggálaš soahpamuša.

Searvi lea bargan ovttasbarggu juo mánggaid jágiid girkku sámebargguin ja sámequovllu searvegottiiguin. Mii leat goitge oaidnán dárbbaslaš čiekŋudit ja stádasmahttit ovttasbarggu girkkuin. Jáhkkitge ahte dát soahpamuš addá dasa dál buriid vejolašvuodaid.

Searvvi bargun lea ee. ovddidit sámiid sosiálalaš buresbirgema ja eallindiliid ja nannet oassálastinvejolašvuodaid ja ovttaveardásašvuoda. Geavatlaš doaimmaid hutkadettiin mii oaidnit girkku lunddolaš ovttasbargoguoibmin.

Sámi servvodaga nuppástusaid váikkuhusat olbmuid árgabeaivvis oidnojit ee. oktonasvuohčan. Servosa dorvofierpmádat ii leat šat nu nanus go lei vel logiid jagiid dassái. Buresveadjima vailevašvuodaid unnideapmai dárbbasuvvo earáge go dála buresveadjinbalvát. Mii dárbbasit odđa doaimmáliid. Muhto árgabeaivve váttisvuodaid siste maiddái doarjaga ja bálldasvánddardeaddji. Jáhkáge ahte soahpamuša oassebeliin leat mánggat oktasaš gažaldagat jahkásaš ovttasbargoráddádallamiidda ja doppe fas beaivválaš bargui. Goappáige lea maiddái deahalaš ahte juohke okta válđojuvo vuostá ja bálvaluvvo su eatnigielain ja su iežas kultuvrralaš vuolggasajis.

Dán soahpamuša nuppin oassebeallin lea sámiid sosiála ja dearvvasvuodasuorggi searvi, mii lea lahtuidis jietna. Sávan ja vuorddange, ahte dii, buorit sápmelaččat, buktibehtet searvvi doaimmiide rávvagiid ja evttohusaid, maid mii sáhttit válđit ovdan dán ovttasbarggus.
